

龍井見聞錄卷三

臣汪孟錫恭纂

名僧

開山僧

隋

真觀法師

釋道宣續高僧傳字聖達吳郡錢塘人俗姓范氏

道安禪師

頭陀石室

龍井見聞錄

卷三

一

續高僧傳隋開皇十四年真觀法師共道安禪師

頭陀石室檀越陳仲寶率諸同侶開藏拓基構立

精舍號南天竺

西湖遊覽志風篁嶺畔崇恩演福寺俗稱南天竺

隋法師真觀居之

釋元敬元復武林西湖高僧事畧觀字聖達錢塘

范氏子世本顯仕師生有奇相出家通經律論尋

謁天台智者請受禪觀智者以師齊年止為法兄

弟開皇十五年於靈隱山頭陀石室宴坐衆建南天竺寺請師居焉是爲開山始祖常講法華以心爲要感臯亭神請講捨祠宇爲佛殿每盥洗餘滴水不爲濡人尤異之師有雅操文帝三徵秦王兩延皆以疾辭大業中因山行自標葬地夢與智者同輦翼佛還山覺而嘆曰吾六十二應終以講法華力延一紀今七十四生期畢矣中夜入寂塔在東岡

龍井見聞錄

卷三

二

謹案西湖高僧事畧謂師於靈隱山頭陀石室宴坐詳續高僧傳頭陀石室次道安之下陳仲寶之上人名非地名也

說法僧

唐

通禪師

處棲上座

釋道源景德傳燈錄杭州龍井通禪師處棲上座問如何是龍井師曰意氣天然別人工畫不成曰

爲什麼畫不成師曰出羣不戴角不與類中同曰
還解行雨也無師曰普潤無邊際處處皆結粒曰
還有宗門中事也無師曰有曰如何是宗門中事
師曰從來無形段應物不會虧問如何是吹毛劍
師曰拽出著

謹案景德傳燈錄通禪師爲吉州青原山行思
禪師第六世慧能大鑑禪師之法嗣行思禪師
實福州雪峯義存禪師法嗣也大鑑禪師卽世
所稱六祖柳宗元河東集有大鑑禪師碑文

住山僧

龍井見聞錄

卷三

三

宋

元淨法師

咸淳臨安志元淨本姓徐字無象於潛人十歲出
家受業於慈雲慈雲沒復事明智年二十五賜紫
衣及辯才號知杭州呂溱請住大悲寶閣居十年
沈文通邁治杭命住上天竺乃以教易禪師增室
至萬礎重樓傑閣冠於浙西學者數倍居十七年
有奪之者遂還於潛逾年復歸天竺留三年謝去

老於南山龍井之上精修行業行成力具著應非
一元祐八年示寂壽八十一門下侍郎蘇轍撰碑
翰林學士蘇軾書集賢校理歐陽棐書額

西湖高僧事畧師名元淨字無象於潛徐氏生而
左肩肉起如袈裟條八十一日乃滅父嘆曰是宿
世沙門也自幼出家受業於慈雲日夜精勤慈雲
沒後復事明智年二十五賜紫衣及辯才號居天
竺十七年有利而奪之者逾年奪者敗復以畀師

龍井見聞錄

卷三

四

越二年謝去老於南山龍井之上元祐八年示寂
壽八十一果符初生肩痕之徵塔成東坡誌其行
事穎濱爲銘贊曰法苑將興棟梁攸屬揮塵白雲
雨花飄馥維趙與蘇式是高躅龍井風清過者必
肅

釋念常佛祖通載法師幼生其伯父異之曰必使
事佛十歲出家十二就學於慈雲將示寂乃入方
圓庵七日出偈示衆卽右脅而化東坡命子由爲

見楊傑院記詳卷二

見辯才心師銘詳卷八

散老

鄒浩道鄉集送散老歸龍井長安冥冥砂礫飛道人跣足來何為師恩浹髓未為報誓求卿相

成其碑卿相盈朝成者誰尚書妙墨侍郎詞二公奔走天下士士獲一面猶幾希道人願力豈不滿

文字乃今兼得之龍井神龍應護持杖頭星斗東南垂過門別我自色喜我愧儒冠多背師

謹案道鄉集尚書妙墨侍郎詞下註云二蘇公考蘇轍辯才碑求碑者乃弟子懷楚即此散老

耶又一人耶不可知矣詳儒冠背師語其為弟子無疑也

居簡禪師

白琳靈隱寺志敬叟居簡禪師臨濟宗潼川龍氏世業儒依邑之廣福院圓澄得度

龍井見聞錄

卷三

六

參別峯塗毒於徑山往育王見佛照機契出世台之般若遷報恩真西山為江東部使者虛東林命之以疾辭乃於飛來峯北礪掃一室居之十年人不敢以字稱以北礪稱之趙節齋奏請補靈隱師笑曰吾日迫矣淳祐丙辰春示寂三月二十八日索紙書偈於紙尾復書五月一日珍重六字至期味爽索浴浴罷若假寐然視之已示寂矣壽八十三臘六十二有北礪集十九卷張子序其集曰讀其文宗密未知其伯仲誦其詩合參寥覺範為一人

撰龍井法堂榜文見卷八

住山宗炳

見鄭清之跋秦觀龍井題名詳卷八

僧全

咸淳臨安志主僧可全蘇籀雙谿集龍井僧全
示寄庵樞密程公累篇季文弟新什求余繼其
末一首程蘇中興什同庵有後前前朝沙門首辯
淨超卓然耆宿失聞聰飢參餘小全龍泓風篁嶺
荏苒二十年緇儔幾換易巖崿豈變遷亭亭百歲
杉泠泠九淵泉梵音擾龍性元解忘魚筌有容輦
瓌詭無情施繪錢佛法佇隆興般若須人傳更令
觀刹麗但俾子孫賢三空正覺路一踰實相圓不
替人天師重新演教禪姜夔白石集嘉泰壬戌上
元日訪全老於此觀沈傳詩碑隆茂宗畫贈詩二
首深夜跨羸驂杳杳春山路入寺君未知閒看桂
移樹沈碑含秀潤隆畫出神奇道人那得此老子
乃耽之又齋後與全老銛樸翁聰自聞酌龍井而
歸賦詩二絕四人松下共盤桓筆硯花壺石上安
今昔與懷同此味老仙留字在孱顏年時六月海
揚塵遙見青山起白雲聞有高僧來誦咒巖前拋

龍井見聞錄

卷三

七

琰問龍君

謹案姜夔四詩咸淳臨安志載於淨林廣福下
白石集有註亦以全為淨林廣福主僧而蘇籀
直云龍井僧益証演福為龍井之說不謬不獨
詩有辯淨風篁句也咸淳臨安志稱全於淨林
創松關南泉芳桂為留憇之地葛天民初為僧
名義銛字樸翁
聰師 白石集詩題聰自聞詳上周紫芝太倉稊米集
酌龍井泉書聰師房二首十里泉聲咽斷巖繡
衣元衮閉朱龕老翁不要干山雨只乞龍君一勺
甘八十霜髭不出門老師猶是辯才孫高人已復
如雲散舊事那堪與客論

謹案東坡集思聰名說云法惠圓師小童彭九
自言未有法名而同師皆聯思字遂與名思聰

庶幾他日因聲以得法又送錢塘僧思聰歸孤
山敘云聰七歲善彈琴十二舍琴而學書十五
舍書而學詩又不已遂讀華嚴諸經入法界海
慧今年二十九老師宿儒皆敬愛之少游取楞
嚴文殊語字之曰聞復使聰日進不止自聞思
脩以至於道則華嚴法界海慧盡為蘊廬據此
則聰師似即其人然自聞聞復其字不同而白
石詩作於寧宗嘉泰時距元淨之寂一百餘年
証以紫芝八十辭才孫句知又一聰聞也又軾
記服生薑法淨慈寺有僧號聰藥王

依公

敖陶孫臞翁詩集僕以紹熙壬子中夏二十五
日始躋風篁討龍井遂至廣福謁三賢像閱舊
碑追觀一代風流為賦此詩適月林依公留設茗
供因書以遺之他日能為我揭詩板於壁間使示
來者亦山中之一助也奇石爛橫道茲山信多姿
江湖醞兩股一泓乃孤危相傳龍所象或恐神護

龍井見聞錄

卷三

八

持腥風轉霏霽陰崖立淋漓山僧作屋意慘淡生
幽思胡為金繆影顛倒眩俗兒生來百念失蒼官
導前馳招提果深登屐痕恍前期咄哉少肉山看
此高顙師端能致遨頭絕唱相娛嬉過谿亦何事
相送了不疑渠能縛禪律因來數鬚眉我愛秦郎
記字壓頭陀碑月林只夜夜人物自一時賢愚盡
蟻封來者吾得知

元

澄公

上天竺山志佛澄法師名性澄號湛堂會稽孫
氏子虞集道園學古錄次韻鄧文原遊龍井詩
杖藜入南山卻立賞奇秀所懷玉局翁來往絢履
舊空餘松在澗仍作琴筑奏徘徊龍井上雲氣起
晴晝入門避霑灑脫屣亂苔鬣陽岡扣雲石陰房
絕遺構澄公愛客至取水挹幽竇坐我蒼葍中餘

香不聞嗅但見瓢中清翠影落羣岫烹煎黃金芽
不取穀雨後同來二三子三咽不忍嗽講堂集羣
彥千磴坐吟究浪浪雜飛雨沈沈度清漏令我懷
幼學何爲裏章綬

謹案柳貫有送南竺澄講主詩卽此詩之澄公
也宋濂學士集天竺圓照若公塔銘佛海大師
主南天竺崇恩演福教寺上天竺山志澄公至
順壬申效辯才故事拂衣歸南竺之雲外齋澄
公蓋演福僧今以虞詩存之詳卷十

僧蒙潤

浙江通志引稽古續集字玉崗海鹽人生時母感
異夢禮伽藍土偶皆仆居風篁嶺專精念佛脩法

龍井見聞錄

卷三

九

華光明大悲淨土以七七爲期後示弟子止觀安
心之法稱佛而逝

學士集故文明慧海法師塔銘南天竺素稱教海
湛堂遷上竺玉崗潤公來補其處

智法師

見張昱詩題詳卷二

德祐

居弈

時演

時集

居億

住山德泉

並見鄧文原閣記詳卷二

謹案記稱元貞初比邱德祐嗣茲法席元貞元成宗紀號記蓋為住山德泉作

明

大彰

龍井見聞錄

卷三

十

學士集故文明海慧法師塔銘弟子廣福大彰演

福如玘

謹案壽聖院紹興中更名廣福詳卷十

天巖

上天竺山志竺隱存翁法師宏道傳秀之天巖耀

公退寂廣福請師自代

曦南仲上人

王逢梧谿集奉覽龍井倡和什為曦南仲上人題竺源龍象國齊州鳳麟苑千

齡始彙應匪惟晉陶遠惟杭萃秀靈梅柳並清婉湖飲六綵虹磬殷疊翠巘悠然泳飛外瓶錫筵軒

冕藻章婉蘇秦泉思湧參辯間含棘林香勝味御
厨雋遺珠信僧寶了不見兵燹蒼寒境四寂手之
忍釋卷藤花墜來深松巢白雲偃

以仁

見公輔集龍井志敘詳卷八

僧真志

見快雪堂集送果上人敘詳卷八

僧真果

見武林梵志詳卷一卷二

龍井見聞錄

卷三

十一

見快雪堂集龍井復賜田記詳卷八又日記詳卷

九

國朝

僧一泓

西湖志龍井延恩衍慶院康熙年間僧一泓重葺

亦見浙江通志詳卷二

僧慧輅

張彙塔銘詳卷八

白琳靈隱寺志諦暉歷住興福妙濟師林天竺龍

井諸寺

謹案地志諸書龍井甚畧住僧莫考要亦住斯寺者大抵靈竺退院故不若名山大刹之可以世次也掇拾遺文疏其名字如右若蘇軾辯才尺牘之法孫程秘記出觀辯才像之主僧周必大記遊之龍井僧馬臻詩題之南竺詩僧張京元西湖小記之山僧者惜俱失其名矣

僧塔可考者

宋

僧贊寧

佛祖通載贊寧隨錢王歸朝姓高氏其先渤海人唐天祐中生於吳興之德清金鵝別墅出家杭之祥符習南山律武肅諸王公族咸慕重之署為兩浙僧統賜號明義宗太平興國三年太

龍井見聞錄

卷三

三

宗召對改賜通惠至道二年示寂

十國春秋本傳本姓高氏為兩浙僧統太平興國三年召對資福殿賜紫方袍尋賜號曰通慧命充翰林史館編脩纂高僧傳三十卷內典集一百五十卷外學集四十九卷歸杭州卒諡圓明葬龍井孫治靈隱寺志贊寧侍者塔龍井

謹案咸淳臨安志在放馬場棲真院前武林舊事小麥嶺贊寧塔註天聖間葬此今依十國春秋等書存之

僧元淨 詳上

咸淳臨安志在龍井

夢梁錄龍井壽聖寺辯才和尚塔

謹案西湖遊覽志在演福院內上天竺山志邵氏七識亦云今依咸淳臨安志存之

明

僧原璞

見學士集原璞法師璋公圓碑銘詳卷八

謹案宋高僧傳遺身篇杭州真身院寶塔寺紹巖俗姓劉雍州人於錢塘水心寺挂錫恆諷持

龍井見聞錄

卷三

三

法華經俄感陸地生寶蓮續召於杭塔寺造上方淨院以居之開寶四年跏趺坐亡茶毗於龍井山收合作石函置於影堂孫承祐為碑詳文義蓋未造塔故不列

名僧題後

蘇軾云靈隱天竺和尚退院後卻住一个小村院子竊意正如閑散之人託處別業又豈禪教兩院五山十刹甲乙住持者所可比論然而元淨居上竺自謂立於爭地以歸老為樂則茲之引蔓布條誠不可以無述

龍井見聞錄

卷三

十四

龍井見聞錄卷三